

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 01-04-41956-36/20
Sarajevo, 23.12.2020. godine

SKUPŠTINA KANTONA SARAJEVO
- o v d j e -
n/r Predsjedavajući Skupštine KS
Elvedin Okerić

PREDMET: Zastupnička inicijativa – zastupnica Neira Dizdarević

Ministarstvu prostornog uređenja, građenja i zaštite okoliša KS dostavili ste zastupničku inicijativu koju je u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj: 41/12 – drugi novi prečišćeni tekst, broj: 15/13, 47/13, 47/15, 48/16, 9/20 i 14/20) uputila zastupnica Neira Dizdarević.

Zastupnička inicijativa glasi:

“ Na osnovu odgovora Ministarstva privrede akt broj 07-05-04-37535-49/20 od 16.10.2020. godine u kojem Ministarstvo privrede ističe da je potrebno kroz prostorno plansku dokumentaciju (Prostorni plan Kantona Sarajevo, Urbanističke planove, Regulacione planove) rezervirati prostor za sve objekte A I B grupe date u Idejnom rješenju Višenamjenskog vodoprivrednog podsistema Crna Rijeka – VVP Crna Rijeka i da to bude obaveza planera na svim nivoima. Ukoliko to do sada nije učinjeno, molim da se što prije pristupi realizaciji. Također molim da, ukoliko realizacija ove inicijative zahtjeva finansijska sredstva, obavijestite me, kako bi sredstva bila planirana u budžetu za narednu godinu.”

Ministarstvo prostornog uređenja, građenja i zaštite okoliša Kantona Sarajevo je tretiralo predmetno inicijativu u okviru svoje nadležnosti, a u skladu sa odredbama Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/18).

S tim u vezi ističemo sljedeće:

Prema Zakonu o prostornom uređenju Kantona Sarajevo Prostorni plan Kantona Sarajevo je plan najvišeg ranga. Prostornim planom se utvrđuju osnovna načela planskog uređenja prostora, ciljevi prostornog razvoja, te zaštita, korištenje i namjena prostora.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Odredbama Zakona regulisano je da se planski dokumenti nižeg reda usaglašavaju sa planskim dokumentima višeg reda, a u slučaju njihove neusaglašenosti primjenjuje se planski dokument višeg reda.

Obzirom na navedeno Urbanistički plan Grada Sarajeva preuzima, usklađuje, razrađuje i dopunjava planska opredjeljenja iz Prostornog plana Kantona, dok regulacioni planovi kao provedbena planska dokumentacija moraju biti izrađeni u skladu sa Urbanističkim planom, odnosno Prostornim planom Kantona, kao planom najvišeg reda.

U Prostornom planu Kantona Sarajevo za period od 2003. do 2023. godine ("Službene novine Kantona Sarajevo", br. 26/06, 4/11 i 22/17) tema „Akumulacija Crne Rijeke“ obrađena je u poglavlju **2.11. Vode, vodne površine i vodna infrastruktura**, a o čemu se ovo Ministarstvo ranije očitovalo u aktu br. 05-23-38844-105/19 od 13.02.2020. godine.

Nadalje ističemo da je odredbama Zakona o prostornom uređenju Kantona Sarajevo regulisano da svi zahvati u prostoru moraju biti usaglašani sa planskom dokumentacijom, te je s tim u vezi potrebno da se Idejno rješenje Višenamjenskog vodoprivrednog podsistema Crna Rijeka prilagodi planskim opredjeljenjima utvrđenim Prostornim planom Kantona Sarajevo za period od 2003. do 2023. godine i drugim planskim dokumentima, a ne da se Prostorni plan Kantona usaglašava sa Idejnim rješenjem.

Napominjemo da je u članu 40. Zakona o prostornom uređenju KS propisano na koji način je moguće podnijeti inicijativu za izradu, izmjenu ili dopunu planskih dokumenata.

S poštovanjem,



MINISTAR

Faruk Kapidžić, dipl.ing.arh.

Dostaviti:

- Naslovu
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

